

foeditate sutorum. Suscepit mala nostra, ut tribueret bona sua. Hinc intelligamus, quantum hominem diligere dignatus sit ante culpam, quem sic diligit post ruina. Agnosce, homo, quantum valeas, et quantum debeas; et dum tantam redemptionis tuae perspicias dignitatem, ipse tibi indicito peccandi pudorem. Ecce pro impio pietas flagellatur, pro stulto sapientia illudatur, pro mendace veritas necatur, damnatur iustitia pro iniquo, misericordia afficitur pro crudeli, pro misero replatur sinceritas aceto, inebriatur felle dulcedo, addicitur innocentia pro reo, moritur vita pro mortuo.

R. Ego duxi te per desertum quadraginta annis, et manna cibavi te: \* Et tu me ecedisti alapis et flagellis.

V. Popule meus, quid feci tibi, aut in quo contristavi te? Responde mihi. \* Et tu....

*Lectio VI.*

EXPAVIT scelus hominum natura rerum, et quem creatura rebellis non agnoscit, eum mundi Dominum tremens terra testatur, et caeli Regem sol fugiens confitetur. Chlamyde cocinea induitur, quia sanguine Marty-

rum suorum Ecclesiae corpus ornatur. Corona spinea capite ejus imponitur, quia punctio peccatorum nostrorum, quorum remissione Redemptoris gloria struitur, aridis tribulis comparatur. Studeamus nunc e diverso, ut membrorum vita capitis sit corona. Quod vero sitire se in cruce positus dicit, fidem incredulae gentis concupiscit, sed e contra acetum malitiae porrigunt, quia vinum sapientiae, quod a Deo acciperant peccando corruperant. Velum templi scinditur, quia Synagoga honore nudatur, observatio antiqua dissolvitur, Ecclesiae unitas praemonstratur. Monumenta aperiuntur, quia mortis jura jure superantur.

R. Ego exaltavi te magna virtute: \* Et tu me suspendisti in patibulo Crucis.

\* In qua expandi manus meas ad populum non credentem et contradicentem.

V. Popule meus, quid feci tibi, aut in quo contristavi te? Responde mihi. Et tu..... Gloria Patri.... In qua expandi....

*In tertio Nocturno.*

Aña. Filii hominum dentes eorum arma et sagittae, et lingua eorum gladius acutus.

*Psalmus 56.*

**M**ISERERE mei Deus, miserere mei: \* quoniam in te confidit anima mea.

Et in umbra alarum tuarum sperabo: \* donec transeat iniquitas.

Clamabo ad Deum Altissimum: \* Deum, qui benefecit mihi.

Misit de caelo, et liberavit me \* dedit in opprobrium conculcantes me.

Misit Deus misericordiam suam, et veritatem suam: \* et eripuit animam meam de medio catulorum leonum: dormivi conturbatus.

Filii hominum dentes eorum arma et sagittae: \* et lingua eorum gladius acutus.

Exaltare super caelos Deus: \* et in omnem terram gloria tua.

Laqueum paraverunt pedibus meis: \* et incurvaverunt animam meam.

Foderunt ante faciem meam foveam: \* et incidérunt in eam.

Paratum cor meum Deus, paratum cor meum: \* cantabo, et psalmum dicam.

Exurge gloria mea, exurge psalterium et cithara: \* exurgam diluculo.

Confitebor tibi in populis Domine: \* et psalmum dicam tibi in gentibus.

Quoniam magnificata est usque ad caelos misericordia tua: \* et usque ad nubes veritas tua.

Exaltare super caelos Deus: \* et super omnem terram gloria tua.

*Añã.* Filii hominum dentes eorum arma et sagittae, et lingua eorum gladius acutus.

*Añã.* Intenderunt arcum rem amaram, ut sagittent in occultis immaculatum.

*Psalm.* 63. Exaudi, Deus orationem meam cum deprecor *ut in folio 13.*

*Añã.* Factus sum sicut homo sine adjutorio, inter mortuos liber.

*Psalm.* 87. Domine Deus salutis meae, *ut in folio 21.*

*V.* Factus est obediens usque ad mortem.

*R.* Mortem autem Crucis.

Lectio Sancti Evangelii secundum Joannem.

*Lectio VII.*

*Cap. 19.*

**I**n illo tempore: Sciens Jesus, quia omnia consummata sunt, ut consummaretur Scriptura dixit: Sitio. Et reliqua.

Homilia sancti Joannis Chrysostomi.

84 in Cap. 19 Joannis.

**S**CIENS Jesus omnia consummata, ait: Sitio:

etiam hoc verbo prophetiam implens. Tu autem adstantium pravitatem intellige; nam licet innumeros habeamus inimicos, qui nos gravissime persecuti sint, cum tamen interim eos videmus, flectimur misericordia. Hi vero nil moti, magis efferantur, et irrident, acetumque in sponsia porrigunt, ut bibat tanquam reus: nam propter hoc hyssopum additur, quo gustato, mortuus est. Vides quam non perturbate, et quam potenter omnia transigentem? Quod et prossequens ostendit: cum enim omnia consummata essent, inclinato capite, quod afixum non erat, tradidit spiritum, hoc est, expiravit.

R. Ego te potavi aqua salutis de petra: \* Et tu me potasti felle, et aceto.

V. Popule meus, quid feci tibi, aut in quo contristavi te? responde mihi. \* Et tu.

*Lectio VIII.*

ARQUI non post inclinatum caput spiratur, sed post expirationem caput inclinatur. Hic autem contra accidit; per quod ostendit eum Evangelista esse omnium Dominum. Judaei autem camelum devorantes et culicem excolantes, tantum nefas ausi, de die consulant: Quoniam Parasceve erat, ut non

remanerent in cruce corpora sabbato, rogarunt Pilatum, ut frangerentur eorum crura. Vides quanti sit veritas? Per ea quae illi faciunt, prophetia impletur, alia enim ex hoc manifestata est. Venierunt ergo milites, et aliorum fregit crura, non Christi; sed ad Judaeorum gratiam conciliandam latus ejus lancea aperuerunt, et mortuo adhuc insultant. O pessimam voluntatem ac scelestissimam!

R. Ego ante te aperui mare; \* Et tu aperuisti lancea latus Salvatori tuo: \* Qui redemit mundum in sanguine suo.

V. Popule meus, quid feci tibi, aut in quo contristavi te? responde mihi. Et. Gloria Patri. Qui.

*Lectio IX.*

NOLI tamen perturbari, dilectissime: quae enim malo illi animo patrarunt, veritati consentiebant, Prophetia hinc impleta est, iniquiens: Videbunt in quem transfixerunt. Neque hoc tantum, sed non credituris fuit fidei argumentum, ut Thomae, et qui cum eo erant. Ad haec et arcantum mysterium consummatum est: exivit enim sanguis et aqua. Non casu et simpliciter hi fondes

scaturiérunt, sed quóniam ex ambóbus Ecclésia constitúta est. Sciunt hoc initiáti, per aquam enim regenerati, ságuine et carne nutriti sunt. Hinc mystéria ortum habent, ut quóties ad admirándum cálicem accédas, tanquam ab ipso látere háuriens, accédas.

Te Deum laudámus.

### AD LAUDES

*et per Horas.*

*Añã.* 1. Fui flagellátus tota die, et castigátio mea in matutínis.

*Psalm.* Dóminus regnávit.

*Añã.* 2. Veni ad montem myrrhæ, et ad collem thuris: tanquam agnus ad occisiónem ductus obmútui, et non apéruí os meum.

*Añã.* 3. Fodérunt manus meas, et pedes meos: dinuméravérunt ómnia ossa mea.

*Añã.* 4. Consolántem me quæsívi, et non invéni: dedérunt in escam meam fel, et in siti mea potavérunt me acéto.

*Añã.* 5. Cum accepísset Jesus acétum, dixit: Consummátum est; et inclináto cápíte emísit spíritum.

*Capitulum.*

*Philíp. 2.*

**F**RATRES: Hoc enim sentíte in vobis, quod et in Christo Jesu, qui cum in forma Dei esset, non rapínam arbitrátus est esse se æquálem Deo, sed semetípsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum factus obédiens usque ad mortem, mortem áutem crucis.

HYMNUS.

**S**ÆVO dolórum túrbine  
Jactátur atris óbrutus  
Pœnis, acérba sústinens  
Redémptor affixus Cruci.

Pedes manúsque horríbili  
Clavi cruéntant vúlnerè;  
Cor, vultus, artus, péctora  
Sacro redúndant ságuine.

Flet, orat, et clámans obit;  
Cor Matris íctum cóncidit:  
Heu Mater! Heu Fíli! dolor  
Ingrata frángat péctora.

Móntes, sepúlcrà, saxáque  
Scindúntur árva, flúmina,

Rupes, et æquor contrémunt,  
Templíque velum scínditur.

Sol, luna, cœlum, sidera  
Plángunt: et órbitis íngemit:  
O vos viri, vos párvuli,  
Nuptæ, puellæ plángite.

Adstáte mœréntes cruci,  
Pedes beátos úngite;  
Laváte fletu, térgite  
Comis, et ore lámbite.

Tu charitátis víctima,  
Ut nostra tóllas crímina,  
Nobis salúbri pérficis  
Adoptiónem sánguine.

Nostra ergo pax et gáudium,  
Sis vita, Jesu, et præmium,  
Sis dúctor, et lux in via,  
Mérces, coróna in pátria.—Amen.

℣. Ipse vulnerátus est propter iniquítá-  
tes nostras.

℞. Et attrítus est propter scélera nostra.

AD BENEDICTUS.

*Añã.* Ad Jesum áutem cum veníssent,  
ut vidérunt eum jam mórtuum, non fregérunt  
ejus crura; sed unus mílitum láncea latus ejus  
aperúit, et contínuo exivit sánguis, et aqua.

ORATIO.

OMNÍPOTENS sempitérne Deus, qui humano  
géneri, ad imitándum humilitátis exéplum,  
Salvatórem nostrum carnem súmeri, et cru-  
cem subíre fecísti: concéde propítius, ut, si-  
cut solémnem commemoratióem Passiόνis  
ejus celebrámus, ita et paciéntiæ ipsius ha-  
bére documénta, et resurrectiόνis consórtia  
mereámur. Per eúndem Dóminum.

AD PRIMAM.

*In ℞. brevi dicitur. ℣.* Qui pro nobis pati  
dignátus es.

AD TERTIAM.

*Añã.* Veni ad monten mirrhæ.

*Cap.* Fratres: Hoc enim.

℞. Oblátus est, \* Quia ipse voluit. Oblá-  
tus est.

℣. Et livóre ejus sanati sumus. \* Quia  
ipse. Glória Patri. . . . Oblátus.

℣. Proprio Fílio suo non pepércit Deus.

℞. Sed pro nobis ómnibus trádidit illum.

## AD SEXTAM.

*Añã.* Foderunt.*Capitulum.**Zach. 13.*

QUID sunt plagæ istæ in médio manuum tuarum? Et dicet: his plagátus sum in domo eórum, qui diligébant me.

*R.* Proprio Fílio suo: \* non pepércit Deus. \* Proprio Fílio. . . . *V.* Sed pro nobis ómnibus trádidit illum. \* Non pepércit Deus. Glória Patri . . . Proprio.

*V.* Factus est obédiens usque ad mortem.

*R.* Mortem áutem crucis.

## AD NONAM.

*Añã.* Cum accepisset.*Capitulum.**Isaie 53.*

GENERATIONEM ejus quis enarrábit? Quia abscissus est de terra vivéntium, propter scelus pópuli mei percússi eum.

*R.* Factus est obédiens, \* Usque ad mortem. Factus est. . . . *V.* Mortem áutem crucis. \* Usque ad mortem. Glória Patri. . . . Factus est. . . .

*V.* Ipse vulnerátus est propter iniquitates nostras.

*R.* Et attrítus est propter scélera nostra.

## IN II VESPERIS.

*Omnia ut in primis præter sequentia.*

*V.* Ipse vulnerátus est propter iniquitates nostras.

*R.* Et attrítus est propter scélera nostra.

## AD MAGNÍFICAT.

*Añã.* Depónens Joseph corpus Jesu involvit síndone, et pósuit eum in monumento excíso: fuit planctus magnus in illa die: mulières áutem sedéntes contra sepúlcrum dolébant, sicut doléri solet in morte primogéniti.